

Les Bibliothèques Virtuelles Humanistes

Extrait de la convention établie avec les établissements partenaires :

- ces établissements autorisent la numérisation des ouvrages dont ils sont dépositaires (fonds d'Etat ou autres) sous réserve du respect des conditions de conservation et de manipulation des documents anciens ou fragiles. Ils en conservent la propriété et le copyright, et les images résultant de la numérisation seront dûment référencées.
- le travail effectué par les laboratoires étant considéré comme une « oeuvre » (numérisation, traitement des images, description des ouvrages, constitution de la base de données, gestion technique et administrative du serveur), il relève aussi du droit de la propriété intellectuelle et toute utilisation ou reproduction est soumise à autorisation.
- toute utilisation commerciale restera soumise à autorisation particulière demandée par l'éditeur aux établissements détenteurs des droits (que ce soit pour un ouvrage édité sur papier ou une autre base de données).
- les bases de données sont déposées auprès des services juridiques compétents.

Copyright - © Bibliothèques Virtuelles Humanistes

ES. RE. AISEA
1517

CATALOGVE DES
TRESILLVSTRES DV CZ
ET CONNESTABLES DE FRAN-

ce, depuis le Roy Clotaire premier du
nom, iusques à trespuissant, tresma-
gnanime & tresuictorieux Roy
de France, Henry
deuziemē.

Par Jean le Feron, Roy d'Armes.

A PARIS,

De l'imprimerie de Michel de Vascosan.

M. D. L. V.

PAR PRIVILEGE DV ROY.

2

A TRESPVISSANT, TRÉSVICTORIEUX,
& tresmagnanime Prince HENRY Roy de France, second de ce
nom, Jehan le Feron son tresobeissant subiect, accroissemēt d'hon-
neur, & augmentation de toutes uertuz Royalles.



NOSTRE les choses plus recommandables,
SYRE, ne s'en trouue une si desirée & dele-
ctable à tous nobles cueurs & magnanimes,
que d'ensuyure la trace des uertueux : à la-
quelle lon ne sçauroit paruenir sans prudē-
ce & bon sens naturel, certes grands dons de
Dieu, necessaires à tous, mais aux Princes
plus qu'à nulz autres, lesquelz s'augmen-
tent & accroissent par experience, exem-
ples & enseignemens, & par diligente lecture des anciennes histoires
& modernes, & par souuent rememorer les actes vertueux de ceulz
qui se trouuent auoir esté entre les autres les plus uaillans, cheualeu-
reux, & de prouesse plus exquisite : desquelz les loz & merites demeu-
rent immortalz en la memoire des hommes, pour urays exēplaires &
mirouers à leur posterité, à fin qu'à l'imitatiō de leurs maieurs & pro-
geniteurs, ilz ayent exemples paternelz & domestiques de s'exercer à
tous actes de uertu & noblesse. Ainsi que uostre tressage & tresprudente
maiesté, Syre, a diuinement preueu dez l'entree à uostre couronne, tel-
lement que toute l'Europe doit esperer, uoyant les grands faictz d'ar-
més, glorieuses uictoures & conquestes, qu'en si peu de temps auez
faictes, qu'en brief serz dominateur de toute la Monarchie Chrestie-
ne : ou bien moderateur & aucteur à la rendre paisible & pacifique.
Et pour autant, Syre, que ie uoy toutes les uertuz, prouesses & grands
faictz d'armes, que feu uostre pere d'eternelle memoire, & uoz prede-
cesseurs Roys de France ont faict, renaistre & reluyre en uous, & aus-
si que uostre maiesté pour longuement & heureusement gouver-
ner uostre Royaume, auant toutes choses a requis & supplié à Dieu
sapience, c'est à dire la cognoissance des choses diuines & hu-
maines : & que aux imitateurs de uertu donnez iournellement til-
tres d'honneurs & liberales recompensés, & mesme que uostre maiesté
s'y exerce, & y prend son plus grand plaisir : me confiant en icelle uo-
stre bonté & humanité, & considerant que la liberalité des grands Sei-
gneurs & Princes magnanimes, ainsi que souloit dire le grand Roy

A ij

de Perse Artaxerxes, ne consiste pas seulement à faire de grands dons & presens, mais aussi à receuoir de cueur ioyeux & debonnaire les presens de petite estime, qui leur sont faicts discretemēt par leurs subiects & seruiteurs, ayans egard à l'affection d'iceux : A l'imitation des Corinthiens, qui firent offre au Roy Alexandre, du droit de Bourgeoisie en leur uille, qui estoit petite chose comparée à sa grandeur, neantmoins la receut ioyeusement, & commandā qu'on leur feist honorable traictement, non pour l'offre, mais pour ce qu'ilz luy presentoiēt de bon cueur la chose qu'ilz auoient plus chere en ce monde : Je me suis ingeré, S Y R E, de uous presenter une partie de mes labours, que j'ay encommencez par le commandement du feu Roy uostre pere, dez l'entree à sa couronne, contenant les erections & establissemens des Connestables, Chancelliers, grands Maistres, Admiraulx, & Marechaulx de France & Preuostz de Paris, le tēps & exercice de leurs estatz mutatiō & uariatiō d'iceulx. leurs noms, furnōs, seigneuries & armoiries blasōnees ensemble leurs haultz faictz & prouesses, à fin que ceulx qui en telz lieux & si eminentz estatz succederont, puissent prendre exemple à les imiter ou surpasser en prudence & cheualerie : taisant toutefois les uices de ceulx, lesquelz se sont monstrez indignes d'icelz estatz, pour ne donner occasion à ceulx, qui parcy apres y seront appelez, d'attenter audacieuses & inconsideres entreprises. Esperant; S Y R E, que quand uostre maieſte uerra toutes mes œuures entieres, lesquelles j'ay plus cheres que tous mes biens, & ma uie propre, elle aura memoire & souuenance des grands fraiz, peines & trauaux, que j'ay employé & enduré par si long temps, pour le bien, proufit & honneur du Royaume de France, & de toute la noblesse. Vous suppliant treshumblement la receuoir d'aussi bon cueur, que uostre treshūble & tresobeissant uassal & subiect uous la presente, & la defendre à l'encontre des calumniateurs. En ce faisant, S Y R E, je uous feray ueoir en brief, Dieu aydant, la plus noble partie de mes œuures, qui sont les armoiries de tous les Roys, Roynes, & enfans de France, depuis Faramond premier Roy, iusques à uostre maieſte & noble lignee, avec une briefue description de leurs actes uertueux : priant le Createur, S Y R E, d'augmenter uoz glorieuses uictoires & conquestes, & uous conseruer en felicite perpetuelle.

LE

4

LE . C A T A L O G V E . D E S
 . N O M S , S V R N O M S , F A I C T S É T V I E S
 D E S C O N N E S T A B L E S D E F R A N C E ,
 A V E C L A F I G V R E E T B L A S O N
 D E L E V R S A R M O I R I E S .



A R ce Catalogue sont denotez & declaire les noms & surnoms des tresillustres Ducz & Connestables de France, selon leur ordre, appelez par les historiens, Ducz, & maistres de la Cheualerie de France, aut magistri equitum: (de la dignité, & preminence de quelz Xenophon en a amplement traicté en son liure intitulé Hipparchicon, c'est à dire de l'office des Cheualiers.) soubz quelz Roys, en quel temps, & quelle espace ilz ont leur estat & office exercé: avec la figure & blason de leurs armoiries, appelez premierement Ducz & Maistres de la Cheualerie de France, depuis Ducz & Maires du Palais, pour les deux offices ensemblement occupées par Landry de la Tour, en son uiuant Seigneur de Glatigny: par autres appelez grands Seneschaux & Princes de France, & Prefects du Palais, aut aulæ Regiæ Prefecti: en apres Princes & gouuerneurs de France, iusques à Bouchart, qui fut nommé Connestable de France seulement, & Gourdon de Beaulande nommé Duc & Connestable de France, que frere Robert Gaguin en son histoire dict auoir esté intitulé Connestable de France, continué à Robert d'Aquitaine, Hugues le grand, & Hue Cappel, qui se nommerent Connestables, Comtes de Paris, & Roys de France: & auoient iceux Connestables le total gouuernement de la guerre & finances du Royaume de France: ayans aussi pour insigne de preminence d'office, l'espee droicte & nue, à deux trenchans: la poignée d'azur semée de fleurs de liz d'or, & le pommeau & la croisée de mesme, denotant Iustice tousiours estre droicte, nō variable, sans couuerture ne uariation, par laquelle eux & leurs posteritez font creez & faicts nobles.

A iij

65
EXTRAICT DV PRIVILEGE
DV ROY.

PAR grace speciale, pleine puissance & auctorité Royale a esté donné & octroyé à Michel de Vascofan Imprimeur & Libraire iuré en l'Vniuersité de Paris, priuilege pour le tēps & terme de dix ans, pour tous les liures que ledict Vascofan imprimera cy apres : lesquelz n'auront esté au parauant imprimez en ce Royaume : & six ans pour ceulz, lesquelz auront esté par luy restituez & illustrez de notables corrections, emendations & annotations, à commencer du iour & datte de la premiere impression de chacun desdictz liures : que nul en ce Royaume, pais, terres & seigneuries, puisse pendant & durant ledict temps, imprimer, faire imprimer, uendre & debiter les liures par luy ainsi corrigez, imprimez & emendez, iusques apres ledict temps finy & accomply : avec inhibitions & defeneses à tous de quelque condition ou estat qu'ilz soient, de ne aucune chose atenter contre le contenu dudiect priuilege, sur peine de confiscation d'iceulz liures qui auront esté ainsi imprimez, contrefaictz & mis en uente : & de telle amende que les iuges ueront y deuoir eschoir & appartenir, applicable comme lesdicts liures confiscuez moitié au Roy & moitié audict de Vascofan, nonobstant oppositions ou appellations quelconques. Et oultre ce, est octroyé audict de Vascofan que mettant par luy en brief au commencement ou en la fin des liures qu'il imprimera, le contenu des lettres dudiect priuilege, elles seront tenues pour suffisamment significees & uenues à la cognoissance de tous les Libraires & Imprimeurs, comme plus à plein est contenu & declairé par lesdictes lettres de priuilege sur ce donnees à Paris l'unzieme iour de Feurier, l'an de grace mil cinq cens cinquante trois : & du Regne dudiect Seigneur le septieme.

Par le Roy, le Seigneur de Seaux, Maître René Baillet,
Maître des requestes de l'hostel present.
Signé Mahieu.

Et scellé du grand seau en cire iaune à double queue.


Acheué d'imprimer le dixieme iour d'Aoust. 1555

CONNESTABLES


MESSIRE Cuppa de Brandebourg, Duc & Maistre de la Cheualerie de Chilperic, filz de Clotaire Roy de France, l'an cinq cens soixâte & quinze: & felô aucûs, quatre uingtz & cinq: appellé par Gregoire Archeuesque de Tours, Connestable de France: lequel Cuppa fut uaincu & desfaict par les Allemans, & rendu fugitif: deux de ses filz tuez, & deux autres prins avec entiere desfaicte de sa noble cõpaignie. Et portoit d'argent à l'aigle de gueulles, membré & couronné d'or.



MESSIRE Landry de la Tour, seigneur de Glatigny, Duc & Maistre de la Cheualerie de France, autrement Gouverneur & Duc de France, du temps de Chilperic, l'an cinq cens quatre uingtz & sept: & fut le premier qui entreprint de uoloir exercer & tenir les deux estatz & offices de Duc de France & Maire du Palais de Paris, qui a duré par interualle iusques à présent. Et portoit de gueulles à la face carnellee de trois pieces & une demie d'or, massonnée de sable, suyuant l'opinion de Messire Guillaume du Bellay, seigneur de Langey, & Cheualier de l'ordre saint Michel. Autrement d'or à la face bretessee de gueulles, de deux pieces & deux demies, massonnée de sable.



MESSIRE Protadius, Duc & maistre de la Cheualerie de France & de Bourgongne, du temps de Theodoric & de Theodebert, pretendant occuper le Royaume de France l'an six cens & dix, fut tué par la malice de Brunehilde, laquelle uouloit mouuoir les deux freres en cōtinuelle guerre. Apres la mort duquel Protadius, Theodoric fait paix avec son frere Theodebert. Aucuns tiennent, que Protadius ne fut Duc de France, ains de Bourgongne. Et portoit de sable au faulte d'or, accōpagné de quatre roses de mesme, escartellé d'or à l'aigle de synope, couronné & membré d'argent.




CONNÉSTABLES

9
MESSIRE Eleuthere de Mozelane, Duc de la Cheualerie de Frā
 ce, & Maire du Palais de Paris, l'an six cens : du temps de Theo-
 doric & Childebert, enfans de Childebert Roy d'Auftrasie : uerifié
 par Richard de Vuassebourg, es antiquitez de la Gaule Belgique, qu'o
 dit estre descendu de Lucian, Duc de Lorraine, & qui fonda le
 monastere aux Dames de Metz, homme de bien & de saincte uie. Au-
 cuns tiennent qu'il fut Chancelier de France, du temps de Theodo-
 ric frere de Childeric, l'an six cens nonante & trois. Et portoit d'argent
 au cerf au naturel, qui est de gueulles, sommé d'or sans nombre : qui
 sont les anciennes armes de Lorraine.



MESSIRE Sadragefille, Duc & maistre de la Cheualerie
 Françoisse, & Duc de Guyenne, l'an six cens trentequatre : du
 temps de Dagobert, Roy de France, premier du nom. Lequel Sadra-
 gefille par outrecuidance se uouloit esleuer pardeffus son maistre &
 naturel seigneur : dont pour guerdon Dagobert luy arracha la barbe :
 combien que parauant entre autres choses luy eust donné le Duché
 de Guyenne, & qu'il eust esté son gouuerneur. Et portoit de gueulles
 au Leopard d'or, escartellé d'or au chef de gueulle, au Lyon de l'un
 en l'autre.



MESSIRE Ega ou Egua, Duc & Maistre de la Cheualerie de France, du temps de Dagobert & de Clouis deuxieme du nom, Roy de France, l'an six cens quarante & trois, & quarante & cinq, suyuant les modernes: & lors, suyuant le uicil chroniqueur de France, les Maires du Palais de Paris & de France, furent appelez Ducz de France, iusques au temps de Pepin. Et portoit de synope au Griphon d'or, armé, onglé & couronné d'argent, & lampassé de sable: autrement d'or au Griphon de gueulles, armé, onglé, couronné & lampassé de synope, qui sont les anciennes armes d'Auuergne.



CONNESTABLES


113

MESSIRE Bertinoauld, ou fuyuant Gregoire de Tours, Archenoald filz d'iceluy Ega ; Duc de la Cheualerie de France, & Maire du Palais de Paris apres son pere, du temps de Clouis deuxieme, filz de Dagobert, l'an six cens quarante sept : & fut gouverneur de Neustrie ou Normandie, duquel Gaguin faict mention : & depuis Clouis deuxieme iusques au regne de Pepin, les Maires du Palais furent Ducz & Connestables de France, tesmoing le uieil chroniqueur. Et portoit d'or au Griphon de gueulles, armé, onglé, couronné & lampassé de synope, chargé en l'espaule d'une fleur de liz d'or.



MESSIRE Idumera, Duc de la Cheualerie Françoisse & Maire du Palais de Paris, du temps d'iceluy Clouis deuxieme, l'an six cens quarante huit. Annonius Monachus passe soubz silence icellux Godeland ou Gondoald & Idumera entre les Ducz de la Cheualerie de France, & Maires du Palais de Paris. Gregoire de Tours & maistre Nicole Gilles mettent Archinoaldus au lieu de Idumera Maire du Palais de France.

Et portoit d'argent à deux Lyons lepardez
d'azur, armez, lampassez & couronnez
de gueulles.




MESSIRE Grymoald, frere de Bega, fille de Pepin Lantien, par Vincent de Beauuais appellé Gruncal, Duc & maistre de la Cheualerie de France, & Maire du Palais de Paris, du temps de Clouis, l'an DCXLIII ou XLVII. du tēps de Sigisbert Roy de Frāce, l'an DC LI. & du regne de Cōstantin l'Empereur VII, qui fut tué en la uille du Liege, deuāt l'hostel S. Lambert, par Mygaire satellite de Rabode, Duc de Frize, par Vincēt de Beauuais appellé Mitigaire, au lieu duquel dit auoir esté subrogué Theodoald filz de Drogo grand maistre. Plusieurs tiennent le filz dudiēt Grimoald, nōmé Ildebert, auoir esté adopté par lediēt Sigisbert, deuāt que son filz Dagobert fust né, causant sa ruyne. Christianus Masseus l'appelle Princeps Aulę Regie, disant auoir succédé aux offices de son pere Pepin, & au Duché de Brabant, du temps de Sigisbert Roy de France, l'an DCXXXII, & fut occis par Clodouee filz de Sigisbert dans l'Eglise S. Lambert du Liege. Et portoit de gueules à trois aigles d'or, qu'on tient estre membrez d'azur.



B

MESSIRE Berchanoaldus ou Ercembaldus de Vualbouïg, Grand maistre & Duc de la Cheualerie de Frâce, & Maire du Palais de Paris, du temps dudiect Clouis II. ou Loys premier, l'an six cens XLVIII. ou du temps de Clotaire III du nom, Roy de France, l'an DCLXIII. filz de Clouis & de saincte Baultheur, natieue de Dace & non de Saxone, rachetee des parties transmarines, par iceluy Berchanoaldus ou Ercembaldus, amplement par moy deduiect en la uie d'icelle Baultheur Roïne de France. Auquel (selon Vincent de Beauuais au Mirouer historial, au XXII. liure, chap. C XV. & C XVI.) succeda Ebroin. Et portoit d'or à trois leopards de sable, escartellé d'or à trois trompes de gueulles uirollees d'argent qui est de horne.



MESSIRE Ebroin, Duc & maistre de la Cheualerie de France, soubz Clotaire III du nom, l'an DCLXIII. & LXVI, & de Theodoric ou Childeric frere d'iceluy Clotaire, qui ensemblement furent dechassez & faitz moynes. Et fut Ebroin par Hermanfroid occis pour l'homicide par luy commis contre Martin Duc & gouverneur du Royaume d'Auftrasie. Aucuns tiennent qu'à ce Clotaire iusques à Pepin Roy de France, les Maires du Palais de Paris ont esté appelez Ducz de France. Le uiel chroniqueur, nommé Eghardus, tient Ebroin auoir esté appellé Senechal & Bailly, pro Republica & regni potentia disponenda: qui fut Cheualier, Duc & Prince de France, esleu & ordonné par les François, suyuant l'opinion de Vincent de Beauuais: qui pour son orgueil & crudelité fut de tous uertueux fort hay, & en la

la fin chassé pour sa tyrannie. Et portoit d'argent à trois faces de gueulles, au Lyon d'or sur le tout, armé, lampassé & couronné d'azur, semé de molettes de l'un en l'autre.



MESSIRE Bertrañd ou Bertrannus de Schwactzbourg, Grand Duc de la Cheualerie de France, & Maire du Palais de Paris, du temps de Childeric le second, filz de Clotaire, l'an six cens soixante & douze, uérifié par Jaques Valere Espagnol au liure De noblesse, au tiltre Des lignees des Roys de France, qu'il dit estre souuerain Bailly de France, Et portoit d'azur au Lyon d'or, armé, couronné & lampassé de gueulles.



MESSIRE Anchises des Lâdes, Duc & maistre de la Cheualerie de France, Maire & souuerain Bailly de France, apres Bertrânus, l'an six cens LXXIII. Et fut filz de S. Arnoul, Archeuesque de Metz. Et pource qu'il estoit bigame, fut reduicte l'Archeuesché en Euesché, & eut Anchises le total gouuernemēt de France, selō laques Valere, au liure de noblesse. Et portoit de gueulles à trois aigles d'or, mēbrez & bequez d'azur.



MESSIRE Vvalfroid, ou Vlfrald, Duc & maistre de la Cheualerie de France, l'an DCLXXIII ou LXXIX. du temps de Childeric I du nom, qui delaiſſa son office pour auoir le gouuernement du Royaume de Metz, ou d'Austrasie, ou il fut fugitif : & de ce mōde priuē, les François rappellerēt Theodoric leur Roy, avec Ebroin qui regnerent cōme deuant. Et portoit de gueulles à la bande d'hermines, à deux Lyons d'or, armez, lampassez & couronnez d'argent.



MESSIRE Landregesife, ou Lendefil, filz d'Archembauld, autrement Landregesife, de la lignee des Lantgraue de Haffie, ou Hesse, par Vincent de Beauuais appellé Angesilus & Lendefius, & par Naucler Lendefilus, Duc & maistre de la Cheualerie Françoisise, & Maire du Palais de Paris, du temps de Theodoric ou Thierry Roy de France, ou plus tost Childeric le second, l'an six cens quatre uingtz : depuis qu'iceluy Theodoric ou Thierry, Roy de France fut retiré du monastere de saint Denys en France, ou l'on l'auoit fait moyne. Et fut iceluy Landregesife pourement tué par Ebroin, qui par ce moyen recouura la Mairie & Duché de la Cheualerie de France, gouuernement & richesses : uoie sans honneur du Royaume de France, avec peu de duree pour l'homicide perpetré en sa personne par Hermanfroid, parent de saint Legier. Et portoit d'azur au Lyon facé d'argent & de gueulles, armé, couronné & lamé passé d'or.



MESSIRE Vuarato de Altembourg, ou Vuatragon, Duc & maistre de la Cheualerie de France: du temps de Theodoric & de Hilderic fut esleu Duc de France, l'an six cens octante huit, qui fut tué par son filz Gilismaire. Vincent de Beauuais au Mirouer historial l'appelle Seneschal de France, le disant auoir succedé en l'office, & à tout mal à Ebroin, & auoir tué en la forest de Cuise, pres de Compiègne, saint Vigil Euesque d'Auxerre: uerifié par la Chronique de Naples, composée par le bon pere Nolanus. Et portoit

B. iij

CONNESTABLES

d'or au Lyon dragonné de gueulles, couronné, armé & lampassé d'argët.



MESSIRE Gilismaire, homme de nulle foy, filz dudiët Vuarato, Duc & maistre de la Cheualerie de France, l'an six cens quatre uingtz & neuf, dü temps de Theodoric & Clouis troisieme, Roys de France, qui ne fut de longue uie. Luy decedé, son pere fut restitué en l'office. Et portoit d'or au Lyon dragonné de gueulles, armé, lampassé & couronné d'argët : au chef d'azur, chargé d'un aigle d'or, couronné de gueulles.



MESSIRE Berthaire, ou Brethaire Angouland, gendre d'iceluy Gilismaire, Duc & maistre de la Cheualerie Françoisë, l'an six

fix cens quatre uingtz & neuf, dix & unze, Comte Durgel, hoïme de petit esprit; du temps de Theodoric ou Thierry Roy de France, qui pour sa petite cheualerie fut tué par Pepin, filz de Aufize gouverneur du Royaume d'Austrasie. Et fut Duc & Maire de France, & grand Preuost de l'hostel de Theodoric, iusques en l'an six cens quatre uingtz & quatorze. Et portoit d'or au chef de sable, à l'aigle esployé d'argent sur le tout, couronné, membré & lampassé de gueulles à lorle de bezans de l'urt en l'autre, au baston d'azur brochant sur le tout. Aucuns tiennent qu'il portoit les armes de Durgel, qui sont eschiquettees d'or & de sable, pour la Comté de Durgel.



MESSIRE Pepin des Landes, dict Lanctien, filz de Anchises des Landes, Duc & maïstre de la Cheualerie de France, du temps de Theodoric, par Vincent de Beauuais appellé prince de France. Ioannes Cuspinianus le tient auoir eu l'office soubz Hilderic, l'an six cens quatre uingtz & unze, qui delaisa son office pour gouverner le Royaume d'Austrasie. Aucuns chronographes tiennent Childebert Roy de France, premier du nom, auoir primitiuement institué les offices Royaux de Connestable, Admiral, Maïstre des arbalestriers de France, ou lieu de Grand maïstre de l'artillerie de France, l'an six cens quatre uingtz dixsept. Et regna iceluy Pepin quarante ans, suyuant la plus saine partie des historiens à deux fois, du temps de Theodoric, Clouis & Childebert filz de Theodoric I. Aucuns tiennent que Hidulphe fut prince de France apres ledict Pepin & mesme Vin-

B iiii

CONNESTABLES.

19

cent l'historial, apres Doracus de antiquitatibus Gallorum. Christianus Masseus au trezieme liure de la sienne Chronique, maintient iceluy Pepin auoir esté filz de Charles le grand, & qu'il fut faict Prince du Palais, que nous disons Connestable, par Clotaire second du nom, & depuis Duc de Brabant, approuué par Iéan le Maire allegant deux carmes assez anciens & triuiaux :

Iste Brabantinus dux tertius Austrasiorum

Primus erat, maiorque domus regni gladiator.

Et portoit de gueules à trois aigles d'or: tesmoing Cousinot en sa Chronique de France, que ie tiens entre mes histoires cherement. Aucuns luy baillent les aigles membrez d'azur.



MESSIRE Drogo, Druon, ou Dreux, Duc de Bourgogne & de Champagne, aîné filz de Pepin Heristel, Duc & maistre de la Cheualerie de France, & Maire du Palais de Paris: du temps de Childebert second, frere de Childeric Roy de France; l'an six cens quatre uingtz & dixhuiet: & mourut l'an ensuyuant quatre uingtz & dixneuf. Et portoit de gueules à trois aigles d'or, membrez & becquez d'azur.



MESSIRE Grymoald, filz second de Pepin Heristel, Duc & maistre de la Cheualerie François, & Maire du Palais de Paris: du temps de Childeberr Roy de France deuxieme du nom, l'an sept cens treze & quatorze, qui en icelle année fut occis par un Frison en l'Eglise saint Lambert du Liege: auquel temps mourut Pepin Heristel estant au Royaume d'Austrasie, en la uille de Verdun: ayât pour femme la fille de Raboth Duc de Frize, que Pepin son pere auoit descōfit en bataille, & faict baptizer. Et fut Grimoald tué par Râgaire, autrement dict Mitigaire, seruiteur domestique de Raboth, & par son commandement. Et portoit de gueules à trois aigles d'or, membrez d'azur: escartellé d'argent au Lyon de synope, couronné, armé & lampassé d'or à l'orle de huit coquilles de gueules.



MESSIRE Thibauld ou Theodoald, filz de Dreux, Duc de Bourgongne, Duc & maistre de la Cheualerie de France, faict par Pepin, du temps de Childébert & Dagobert Roys de France, second du nom, l'an sept cens & quinze: qui parauant auoit esté Maire du Palais, du temps de Childébert second du nom. & pour mettre iceluy Thibauld son nepueu en l'office, & pour le Royaume de France gouverner avec luy, Plestrude la maratre de Pepin fait emprisonner Charles Martel à Coulongnié sur le Rhin, qui tost apres fut deliuré. Christianus Masséus tient iceluy Pepin auoir delaiissé la principauté de France, & prefecture du Palais à iceluy Martel, taifant Thibauld. Et portoit de gueulles à trois aigles d'or, membrez d'azur: escartellé d'or, au Lyon de gueulles: qui sont les anciennes armes de Bourgongne.



MESSIRE Ramfroid ou Ramanfroid, Marquis de Moraue, & Duc & maistre de la Cheualerie de France, & Maire du Palais de Paris, du temps de Chilperic second du nom, l'an sept cens uingt & trois, ou uingt & deux par le uiel chroniqueur: qui fut priué de ses offices, & chassé par Charles Martel, l'an sept cens dix & neuf, rappelé & remis en ses offices & estartz: & fut faict grand gouverneur de France sa uie durant, soubz Chilperic tiers du nom, Clotaire & Theodoric deuxieme. Et portoit d'azur à l'aigle facé d'argent, & de gueulles de huit pièces: membré & couronné d'or.



MESSIRE Charles Martel, Prince de France, & Duc & maistre de la Cheualerie de France, du temps de Clotaire quatrieme l'an sept cens uingt quatre, aliàs uingt & un, receut le gouuernemêt de France par Eude l'ayant deliuré de prison, iusques en l'an uingt six, du temps de Childeric dict Daniel, & iusques à Theodoric, l'an sept cens quarante trois. Et pour oster le doute, fault noter que Martel gouuerna plusieurs Roys de France à son plaisir, & chassa Chilperic dict Daniel, establiſſant en son lieu Clotaire, & apres sa mort, restitua Daniel, & depuis, Theodoric & son frere Childeric. De par luy fut prié de prendre le Royaume de France, qu'il refusa, disant estre chose plus glorieuse regner pardessus les Roys, que d'estre Roy, uerifié par son epitaphe,

Ille Brabantinus dux primus in orbe triumphat,


Mallens in mundo specialis Christicolarum

Dux dominusque Ducum, Regum quoque, Rex fore spernit:



Non uult regnare, sed Regibus imperat ipse.

Et par luy est appellé Prince & Prefect du Palais Royal. Naucler en sa Chronique, uingt sixieme generation, maintient les successeurs de Martel auoir esté appellez Ducz, & non parauant : mais seulement Preuoſts de l'hostel du Roy, ou bien Maires du Palais de France. Et par Christianus Masseus au trezieme liure de sa Chronique sont appellez *Aulæ Regiæ præfecti*, deuant & depuis. Et portoit de gueulles à six aigles d'or : & luy sont baillez six aigles au lieu


de semé d'aigles, ou sans nombre pour l'incapacité de l'escu. Et fut le premier qui porta six aigles, que parauant n'auoient fait ses ancestres, portans trois aigles seulement.



MESSIRE Pepin le Bref, filz de Charles Martel, Duc & maistre de la Cheualerie de France, l'an sept cens quarante six, Maire & grand maistre de France apres son pere, du temps de Childeric dict Stupide, tiers du nom, frere de Theodoric. Et l'an sept cens cinquante & un, ou quarante six : ou selon Anthoine de Florence, l'an sept cens cinquante, fut prince & gouverneur de France, couronné Roy de France sept cens cinquante & un, par le conseil & commandement du Pape Zacharie, & par saint Boniface Archeuesque de Magonce, en la uille de Soissons, & depuis fut sacré en l'Eglise de saint Denys en France, par le Pape Estienne deuxieme du nom. Et fut le poure Childeric dict Stupide Roy de France, chassé, tondu, & mis en religion. Et portoit de gueulles à trois aigles d'or, au quanton semé de France : & delaisa les aigles, chargeant comme Roy de France semé de France, ou d'azur semé de fleurs de liz d'or.




MESSIRE Radulphè Lantgraue de Strimbourg, maistre de la Cheualerie de France, du temps de Charles le Grand, l'an sept cens septante & trois, qu'on dict de present Connestable de France. uerifié par maistre Nicole Gilles es annales de France, qui debella les Bretons Anglois, faisant mener les princes d'Angleterre en France deuant luy comme captifz, qui luy feirent hommage. Et de ceulx qui festoient renduz, rapporta à Charlemaigne les noms & les armes pour triumphe, selon Sigisbertus Gemblacensis en sa chronique, donnant fin à ceste longue & ennuyeuse guerre, ayant eu duree trente ans & plus. Et portoit de gueulles au chef d'or, chargé de trois corbeaux de sable. Aucuns luy attribuent sur le gueulles six fleurs de liz d'argent. 3.2.1.




C


MESSIRE Gourdon de Beaulande, filz de Emery de Beaulande, souuent appellé Guillaume au court nez, Duc & Connestable de France, du temps de Loys le Debonnaire, Empereur & Roy de France, l'an huit cens & uingt : qui par Gaguin est nommé Broua. Et portoit d'or au double trescheur flouré de synope, au fauteur de gueulles, brochant sur le tout : qu'à porté Huon de Florines, homme magnanimé au faiçt des armes, & strenueux, & Monsieur de Longueual, & autres maisons anciennes & fameuses de France, d'Angleterre & d'Escoce.



MESSIRE Charles d'Argies, Duc & Connestable de France, du temps de Loys le Debonnaire, l'an huit cens uingt & un : ayant debellé & uaincu Murmôtion Roy de Bretaigne l'Armorique, du surnom duquel ie ne pouuoys auoir la cognoissance, que depuis deux ou troys ans par la genealogie de la noble maison de Moreiul, dicté de Soissons. Et portoit d'or à l'orle de huit marlettes de gueulles qu'on tient estre de sable sans cause. Et si ainsi estoit, faudroit qu'il fust de la maison de Melaye. Et n'est de ceulx d'Argie en Champaigne, qui portent d'or au Lyon naissant de gueulles, mais de Picardie : de laquelle maison ceulx de Moreiul ont eu plusieurs terres, & seigneuries.




MESSIRE Guillaume ou Vvillaume de Rostrenant, Connestable de France, du temps de Loys le Debonnaire, Empereur & Roy de France, l'an huit cens trente six, tué par les Neustriens appelez Normans: mys par Gaguin pour le premier auoir eu le nom de Connestable de France: qui apres le Roy doit auoir le gouvernement des guerres, duelles, combatz, & autres faictz & portz d'armes: conducteur & gouverneur des Roys, Heraldz, pourluyuans & autres officiers d'armes, & de tous actes martiaux & militaires: ainsi que portent les priuileges ottroyez aux Connestables de France. Et portoit d'hermines à trois faces de gueulles chargees de six macles d'or. 3.2.1.




C ij

CONNESTABLES


MESSIRE Bouchard ou Bochart, Duc de France, & le premier portât le tiltre & nom de Cōnestable de Frâce, l'an huit cens quarante, du temps de Charles le Chaulue, & Loys le Debōnaire, qui gouverna long temps, & qui eut la charge du uoyage de Corsique, Sardaigne, Maiorque & Minorque : defendant ceulx du pays de Lymosin de la tyrannie des Maures : on le tient estre de l'ancienne race des Comtes d'Auuergne. Et portoit d'or à l'aigle de synope, à la bordure semee de France, aliàs d'or fretté de synope à la bordure semee de France, que luy donna son maistre au retour de son uoyage.



MESSIRE Protade, Marquiz de Saluce, Connestable de France, du temps desdictz Loys le Debonnaire, & Charles le Chaulue, Empereurs & Roys de France: l'an huit cens quarante quatre, ou quarante & six: qui fut tué à la sédition de Bourgongne, que plusieurs ont tenu estre de la maison de Gamache. Et portoit d'argent au chef d'azur.




MESSIRE Grillon, Connestable de France, du temps de Charles le Chaulue, Empereur & Roy de France, l'an huit cens quarante sept, homicidé par les Esclaiós, accompagné de plusieurs François & Allemans, pres la montaigne de Sontal, & le fleuve de Vvisere. Et portoit d'azur à cinq fleurs de Lys d'or peries en croix, à quatre aigles esployees de mesme, que luy auoit donné Charlemaigne pour sa grande strenuité & heroique generosité, peu paruant sa mort. Et au precedent portoit uiure d'argent & d'azur, de dix pieces, à la bande de gueulles, brochant sur le tout.



MESSIRE Archembauld de Bourbon, dict le Begue, homme discret, sage, modeste & magnanime: Connestable de France, du temps de Loys le Balbe, Empereur & Roy de France, l'an huit cens quatre uingtz selon l'opiniõ d'aucuns, qu'on tient auoir esté homme rond, sans auarice, fraude, dol ou malengin, preferant son honneur à tous biens terriens, toutefois balbutif. Et portoit d'or au Lyon de gueulles, à l'orle de huit coquilles d'azur, à la bordure bandee d'argent & de synope, semé d'estoilles de l'un en l'autre, aliàs molettes. Laquelle bordure il delaiissa, & pour briseure porta une molette d'argent en l'espaule du Lyon.



MESSIRE Raynauld de Saulce, Duc & Connestable de France, du temps du Roy Loys second, dict le Balbe ou Fayncat, & Charles troizieme, dict le Simple, l'an huit cens soixante & dix-neuf, & quatre uingtz & un : deux fois uaincu par Rollo & Hastingo Danois ou Normans, tué par un marinier pescheur, d'un coup de dard : ayant parauant acheté la uille & Comté de Chartres dudict Hastingo, comme i'ay leu en la uieille Chronique de France. Et estoit ledict Raynauld de la lignee des Princes de Saulce, homme assez malfortuné. Et portoit d'azur au huchet d'or, lyé de gueules, à la bordure engreslee d'argent.



MESSIRE Eude ou Hugues, Duc de Bourgogne, descendu de Guyon de Bourgogne, Pair de France, du temps de Charlemagne: Connestable & gouverneur de France, du temps de Loys le Balbe & Charles le Simple, enfans de Charles le Chaulue, Roys de France, l'an huit cens octante & deux: qui depuis fut Roy de France. Et portoit d'or à l'aigle de synope, couronné d'argent, à la bordure semée de France. Charolois le Herauld en son traicté d'armes le blasonne sans bordure, comme i'ay ueu & leu en autres liures d'armoiries, mesme au traicté d'armes de Brebant le Herauld. Possible que la bordure semée de France luy fut donnée par son maistre Roy de France.



MESSIRE Robert Duc d'Aquitaine, frere d'iceluy Eude Duc de Bourgogne, Connestable de France, & Comte de Paris, du temps de Charles le Simple, l'an huit cens quatre uingtz & douze: qui l'an neuf cens uingt & sept fut Roy de France. Aucuns tiennent que ledict Robert fut Duc d'Aquitaine, & parrin de Rollo, premier Duc Chrestien de Normandie, qui luy donna sur les fons de baptesme le nom de Robert, qui est la uerité. Et se rebella ledict Robert Comte de Paris, contre Charles le Simple son maistre Roy de France, dont mal luy print. Car tost apres fut tué entre Soissons & Velly, ou sont trouuez grands nombres de monumentz & tombeaux de pierre blanche, que i'ay ueu. Et portoit d'or à l'aigle de synope, couronné d'argent. Et pour chargeure aucuns luy attribuent

C iiii

la bordure semée de France, comme descendu de Clouis, & de sa femme Duchesse de Bourgogne.



MESSIRE Hue, ou Hugues le grand, filz de Robert le tyran, Cō
 nestable de France, & parauāt Comte de Paris, du temps du Roy
 Loys troisieme, diēt le Transmarin, filz de Charles le Simple & de
 Lotaire, l'an neuf cens uingt six, aliàs quarante deux, suyuant le dire
 de Nolanus en l'histoire de Naples, & par autres quarante cinq: qui fut
 fait Duc & Mareschal de Frâce, tesmoing le uiel Chroniqueur ayant
 nom Eghardus ou Ægmardus, sous le Roy Clotaire filz d'icel Loys,
 tenant en ses mains l'Abbaye de saint Germain des prez, & autres ab-
 bayes, ainsi que la coustume estoit lors des nobles de France attenez
 par les guerres precedentes, d'or, d'argent, & de patrimoine: desquel-
 les ilz receuoient le reüenu, & se faisoient riches. uerifié par le sup-
 plement des Chroniques de Annonius Monachus. Et depuis se feit
 couronner Roy de France, l'an neuf cens cinquante: & fut tué
 à la bataille de Soissons. Et portoit d'or à l'aigle de synope, couronné
 d'argent, à la bordure semée de France, comme son pere.




MESSIRE Otto, Comte de Paris, ayant eu pour femme Adalheide mere de Hugues Cappel depuis Roy de France, du temps de Loys quatrieme, dict le Transmarin, Roy de France, l'an neuf cens quarante quatre: approuué par Jean Cuspinian en sa Chronique. Aucuns le mettent entre les grands Maistres, & nō entre les Cōneftables. Et portoit d'or à l'aigle de fynope, couronné d'argent.




MESSIRE Hue Cappel, Comte d'Angers, filz de Hue le grand & de Hannye sœur de Gerberge, femme de Loys III, Cōneftable de France, du temps de Loys Roy de France, dict le Transmarin, quart du nom, filz de Raoul, l'an neuf cens quarante six : qui se fait contre les sainctz decretz couronner Roy de France pardeffus

son naturel seigneur, l'an neuf cens octante & huit. Et portoit d'or à l'aigle de synope, couronné d'argent, escartellé de semé de France.



MESSIRE Geofroid Grifogonelle, aliàs Cottegrise, Comte d'Aniou & de Bretagne, filz de Fouques le bon, Comte d'Aniou & de Heberge: qui obtint uictoire cõtre le Geant Betelgulphus de Saxone, entre le chastel de Montmorancy & Espinoy en France: & au departir les Danois bruslerent lediçt chastel, du temps de Lothaire, & depuis reparé: & du temps de S. Loys fut lediçt chastel abbatu & son maistre chassé, à cause qu'il auoit fait guerre contre le Roy, selon Saggeo Abbé & historien de S. Denys en Frâce: Connestable de France, du temps de Philippes premier du nom, l'an neuf cens soixante & six, aliàs L X I I I. Et portoit de gueulles au chef d'argent, à l'escarboucle, pommette & fleurette d'or, brochant sur le tout: aliàs d'or au chef de gueulles au Lyon de l'un en l'autre, qui estoient les armes d'iceluy Betelgulphus.




MESSIRE Hugues d'Argies, Conestable de France, du temps de Loys Roy de France & Duc d'Aquitaine, dict le Gros, l'an mil cent & huit : uerifié par les chartres de l'abbaye de saint Comille de Compiègne, de ne faire monnoye en la uille de Compiègne. Et par une autre chartre de ladicte eglise en dacte mil cent douze; le quatrieme an de son regne : & suyuant la chartre de Pontigny, mil cent trente cinq : & par autre chartre dūdict Pontigny, mil cent trente cinq : du temps du Roy Philippes deuxieme, filz de Loys le Gros, de ne payer gabelles & subsides. Et portoit d'or à l'orle de huit marlettes de gueulles, aliàs unze. Et est tōbee ceste noble maison avec les terres & seigneuries d'Argies, en la maison de Moreiul. Depuis i'ay trouué que ledict Hugues portoit d'or à unze marlettes de gueulles: party de gueulles à la face d'argent, au lambel de cinq pieces d'azur. Possible que ce sont les armès de sa feuë femme, qui estoit de la maison d'Autriche.




MESSIRE Mathieu de Chastillon, seigneur de Crecy, ou Mathieu de Crecy, seigneur de Chastillon sur Marne, Conestable de France, du temps de Loys le Gros, Roy de France & Duc d'Aquitaine, frere de Philippes, mil cent trente six, suyuant la chartre de saint Cornille de Cōpiègne, de l'erectiō des moynes en icelle Abbaye au lieu de cent escoliers : & selon les chartres de Pontigny, que i'ay baillé à mon bon seigneur le reuerendissime Cardinal du Bellay, mil cent trente neuf, ou plus tost trente deux. Et portoit d'or au Lyon de

CONNESTABLÈS


de gueules, couronné d'azur, qui sont les premières armoiries de leur maison de Crecy ou de Chastillon. Et depuis ont porté & portent de gueules à trois palz de vair au chef d'or, qui leur furent données & acquises au uoyage de Godefroid de Buillon, ou de Boulongne, comme j'ay dict en mon histoire armoriale es chapitres de chef & de pal.



MESSIRE Radulphe ou Raoul, Connestable de France, du tēps du Roy Loys sixieme, dict le Jeune, l'an mil cent soixante & dix: & par les chartres de Pontigny, mil cent soixante & un, soubz le Roy Philippes le tiers du nom, deuxieme filz de Loys le Gros, Roy de France. Et portoit de gueules au fauteur d'or, chargé de cinq coquilles d'azur, enuirōné de quatre fleurs de liz, au pied nourry d'argent.



MESSIRE Thibauld, Comte de Bloys & de Champagne, Connestable de France, appellé par Vincent de Beauvais au Mirouer historial, Prince de la Cheualerie, & Senechal de France : & par Nolanus Senechal de France, du temps du Roy Philippes Auguste, filz de Loys sixieme, mil cent octante & quatre & octante cinq : qui morut au siege & prinse de la uille Dacre, ou Dacon, l'an mil deux cens & un, de flux de uentre, auec Philippes Comte de Flandres, le Comte de Cleremont, Robert de Bethune, & Federic Duc de Sueue, le Comte de Parthois, & le Duc de Bourgongne. Maistre Richard de Vvassebourg l'appelle grand Senechal de France, soubz Philippes Auguste. Et portoit de Champagne, qui est d'azur, à la bande d'argent à deux doubles cottices potencees & contrepotences d'or de treze pieces.




MESSIRE Raoul, par autres appellé Bertrand de Luzignen, Comte de Parthenay, par Iean Bochet appellé Comte de Dommartin, Connestable de France, mil cent nonante, du tēps de Philippes Auguste, troizieme du nom, Roy de France : & par les chartres de Pontigny, mil cent octante & un, le tiers an de son Regne grand amy de Hugues Châcellier de France, appellé par aucūs Hugues d'Argies : & par autres chartres de Pontigny, mil cent foixâte & dixsept, de tenir franchement toutes leurs terres, cōme les Royaux habitans. Et portoit burelle d'argent & d'azur de dix pieces au Lyon de gueulles, armé, lampassé & couronné d'or sur le tout.


D



MESSIRE Jaques de Chastillon , Comte de saint Pol , filz de Thibauld, ayant eu pour femme la fille du Comte de Luxembourg, Connestable de France, mil cent nonante & six, du tēps du Roy Philippes Auguste tiers du nom. Aucuns tiennent qu'il fut Connestable de France, du temps de Charles le Bel , mil trois cens uingt & un. Vincent de Beauuais afferme Philippes le Grād, Comte de Flandres, auoir fait l'office de Cōnestable, & porté deuāt iceluy Philippes Auguste l'espee nue à son secōd couronnement, le iour de l'Ascension du sauueur Dieu: & ne le nomme Connestable, ne grand Senechal. Et portoit de Bloys ou de Chastillon , qui est de gueulles à trois palz de uair , au chef d'or, escartellé de Moreiul, qui est semé de Frâce, au Lyon naissant d'argent: sur le tout de Champagne, qui est d'azur à la bande d'argent à deux doubles cottices potēcees, & cōtrepotēcees d'or de treize pieces. On tiēt qu'il portoit cōme son pere, les plaines armes de Champagne.




MESSIRE Dreux de Mello, appelé par aucuns Dreux de Mouchy, que ie ne croy, Connestable de France, mil deux cens & un: du temps de Philippes Auguste, suyuant les priuileges de saint Cornille de Compiagne: & par une autre chartre, en datte de l'an mil cent nonante & trois: & par le liuré des chartres de Pontigny, mil deux cens un, de la composition faicte entre Guy seigneur de Iouigny & Arnoul de Brenne, de la forest saint Estienne. Iay trouué iceluy Dreux auoir nom Dreux de Merlo, & non de Mouchy, par une autre chartre de France, en forme de sentence donnee du commandemét du Roy de France, pour iceluy Dreux de Merlo Connestable de France, & Odo Euesque de Paris, deleguez de par le Roy pour faire droit entre la Comtesse de Vermandois, & l'Abbé, couuent & religieux de Pontigny, en datte de l'an mil deux cens & un. Et portoit d'or à deux faces de gueulles, à l'orle de huit marlettes de mesme.



MESSIRE Ferrant de Portugal, filz de Clemēt Roy de Portugal, & frere puisné de Thierry de Portugal, Connestable de France, du tēps de Philippes Auguste, l'an mil deux cēs & deux. Et portoit d'argent à cinq escussions d'azur, passez en saulteur, chargez chacun de six bezans d'argent, à la bordure de gueulles chastellee d'or à quatre fleurs de liz de synope, naissans de la bordure. Telz chasteaux & fleurs de liz representent les alliances que les Roys de Portugal ont eu avec les Roys de Frâce & de Castille. Et sont les urayes armes de Portugal, d'argent à cinq escussions d'azur, périz en croix, chargez chacun de six bezans d'argent, denotans les cinq uictoires obtenues par les Roys de

D ij


Portugal contre les ennemys de la foy Chrestienne, avec tous labeurs prins & receuz uoluntairément par les Roys de Portugal, avec les trente deniers, pour lesquelz le sauueur Iesuchrist auoit esté uendu aux Iuifz : dont est fait mention en mon histoire armoriale, aux tiltres Des escus & escussions de bezans & de tourteaux.



MESSIRE Almaury, aliàs Almarich, frere de Symon, Comte de Montfort, Connestable de France, du temps de Loys septieme filz de Philippes Auguste, & pere de saint Loys Roys de France, l'an mil deux cens dixneuf : qui de grand cuer, & par extreme labeur & uertu, avec tout honneur desfeit les Albigeois. Et depuis es parties de Syrie se transporta contre les Sarrazins, par lesquelz il fut prins & detenu, & apres racheté : & mourut en Idruntum mil deux cens quarante & un, & fut enterré en l'Eglise S. Pierre de Rome; ou est son epitaphe, tesmoingné par Volaterrane en son Antropologie des Papes: Hic iacet Americus Comes Montisfortis Franciæ Conestabilis, qui contra Albigenfes pro fide catholica sæpius dimicauit : postea contra Sarracenos ad partes Syriæ transfretauit, à quibus in bello captus fuit, & diu in captiuitate detentus : tandem per treugam liberatus dum rediret ad propria, apud Idruntum exiraui, anno Domini millesimo ducentesimo quadragesimo primo. Aucuns le mettent après Mathieu de Montmorency. Et portoit de gueulles au Lyon d'argent à la double queuë passee en fauteur.



MESSIRE Mahieu de Montmorancy, par aucuns appellé Mahieu de Mont Remy, & par autres Mahieu de Roye, que Iaques de Cuise en sa chronique de Henault & de Flâdres appelle Comte de Beaumont, Connestable de France, l'an mil deux cens uingt & deux, ou uingt & quatre, du temps du Roy Philippes quatrieme, l'an mil deux cens uingt & quatre. uerifié par le priuilege aux escoliers de l'uniuersité de Paris: & selo les chartres de Pötigny mil deux cens tréteneuf, aliàs du temps de Loys Roy de France, & Duc d'Aquitaine. Et portoit les anciennes armes de Montmorancy, qui estoient d'or à la croix d'argent accompaignee de quatre aleions d'azur: qu'on uoit de present en l'eglise de Chaumontel la uille pres Luzarches, dont il estoit seigneur, comme i'ay ueu avec un seel de ciryure, pareil ausdictes armoiries, fors les couleurs yssuz de la noble maison de Montmorancy.




CONNESTABLES


MESSIRE Imbert de Beauieu, Conneftable de France, mil deux cens feptante & quatre, du temps de Philippes filz de S. Loys Roy de Frâce, eftant en la uille de Damyette.uerifié par Meffire Jean de Iainuille en l'hiftoire de faint Loys Roy de France. Et portoit d'or au Lyon de fable, au lambel de gueulles. Aucuns tiennent iceluy Imbert de Beauieu eſtre de la maifon de Marcueil en Auuergne, allice avec la noble maifon de Bourbon. Et fil eftoit ainſi, il porteroit du Daulphiné d'Auuergne, qui eſt d'or au Daulphin paſmé d'azur: eſcartellé de face de uair & de gueulles, qui eſt de Coucy. Et en ce ie me trouue perplex ſi ie dois prendre les armes du Lyon ou du Daulphin. Je trouue par autres anciens tiltres lediſt de Beauieu eſtre deſcendu de la fille de Berauld de Marcueil, Comte Daulphin, nommee Anne, & de la Comteſſe de Forest, femme de Iean Duc de Bourbon, Comte d'Auuergne, de Forest, & de Cleremont.



MESSIRE Gilles le Brun, autrement diſt Gibon le Brun, Conneftable de France, du temps de monsieur ſaint Loys & Philippes ſon filz Roys de France, mil deux cens ſoixante & fix, aliàs feptante & un. uerifié par Marcus Pandulphus Collenutius, en la chronique de Naples, qui fut faiſt de Hugues le bon Comte de la Marche, appellé par meffire Jean de Iainuille, Gilles le Benin, au lieu de Gilles le Brun, qui tua Mainfroid le baſtard, ſe diſant Roy de Sicile, l'an mil deux cens quarante fix. Et portoit d'or au chef de fable.




MESSIRE Symon de Cleremont, seigneur de Neelle, Conneftable de France, parauant regent en France en l'absence de faint Loys Roy de France, & Mathieu le bon Abbé de faint Denys en France, l'an mil deux cens septante & trois, du temps de Philippes filz de faint Loys. Depuis ceux de Cleremont ont esté appelez de Neelle, & long temps apres iusques à present d'Offemont, qu'elle est tombee en la maison de Montmorancy, l'an mil cinq cens cinquâte & un. Et porçoit de gueulles à deux bars addorfez d'or, semé de trefles de mefme, à la bordure d'argent.




MESSIRE Imbert de Beaumarez, Conneftable de France, l'an mil deux cens septante & six: du temps de Philippes Roy de
D iiij

CONNESTABLES

France quart du nom, filz de monsieur saint Loys. Aucuns tiennent iceluy Imbert auoir nom Eustace, en son uiuât gouverneur du Royaume de Nauarre, Et portoit bande d'or & de gueulles, à la face d'argent chargée de trois fleurs de liz de gueulles.




MESSIRE Raoul ou Arnoul, Comte de Cleremont, & Seigneur de Neelle, Connestable de France, du temps du Roy Philippes le Bel, l'an mil deux cens quatre uingtz & cinq, tué par les Flamengs à la iournée de Courtray, l'an mil trois cens & deux, avec le Comte d'Artois, selon Landulphus de Columna au breuiere historial. L'auteur de la mer des histoires, tient qu'il print la uille & chasteau de Rion, l'an mil deux cens quatre uingtz & quinze. Et portoit de gueulles à deux bars addorséz d'or, semé de croix recroisettees, au pied fiché de mesme, au lambel d'azur brisé d'une molette d'argent sur le premier chef du lambel. Aucuns luy attribuent Dauffemont 1. & 2. escartellé de Bretagne : le quart de gueulles à la panthere d'argent, qui est le quartier que porta Iean frere de Hebert, Comte de Vermandois qui pour son offense fut priué du nom & des armes de Vermandois : qui estoient eschiquette d'or & d'azur, causant le motif qui fut baillé audi&t Iean, de gueulles à la panthere d'argent.



MESSIRE Mathieu de Montmorency, pere de Guy seigneur de Laual & de l'heritiere de Laual, Connestable de France, du temps de Philippes le Bel, mil deux cens quatre uingtz & quatorze; parauant Admiral de France, mil deux cens quatre uingtz & six : affermé par autres auoir obtenu l'office de Connestable de France, mil deuxcens uingtquatre, du temps du pere de saint Loys, qui eut à femme la sixieme fille bastarde de Henry Roy d'angleterre & Duc de Normandie, suyuant l'aucteur de la chronique de Normandie. Et n'est celuy qui estoit du temps de Philippes Auguste, quon dit estre filz de Bouchard de Montmorency, dict à la barbe, & de Laurence fille de Baudouin, Comte de Henault, dict le Courageux: dont Jaques de Cuise es annales de Henault dixhuitieme chapitre du tiers uolume fait expresse mention, estant inhumé en l'église Nostre dame du ual; pres Lisleadam. Et portoit d'or à la croix de gueulles par plusieurs appellee Estrez, accompagnée de seize alelions d'azur, brisée d'un lambel d'argent. Et furent données & acquises icelles armoiries du temps de Othon l'Empereur, par le pere d'iceluy Bouchard à la barbe, pour la grande & sanguinolente iournee & desfaiete des ennemis de la foy Chrestienne, au lieu ou de present est la uille de Lyhon en sangterre, ou terre de sang, ou la croix des armes dudiect Mathieu de Montmorency fut muée d'argent en gueulles, & seize alelions d'azur pour quatre, pour les seize enseignes des ennemis abbatues & ruées par terre avec luy aux piedz d'iceluy Mathieu ma-

reschal du camp des Chrestiens. Et fut la iournee plus que miraculeuse, representant la croix de gueulles au lieu de la croix d'argent: uerifié par l'histoire des Danois en la fin. Et notez qu'ilz ont esté deux Bouchards, dictz à la barbe: l'un du temps du Roy Robert de France, qui fut marié à la fille de Hue Basset, dont on ueult dire la terre de Montmorancy estre descendue, qui n'est uerité, suyuant Iean de Nangis chroniqueur de saint Denys en France, apres Saggerus abbé & chroniqueur dudit lieu: & l'autre Bouchard eut espouté ladicte Laurence. Et de la ruine & pierres du moulin Basset a esté construite la tour du uenin derriere l'eglise dudit saint Denys en France.




MESSIRE Gaultier, ou Gaulcher de Crecy, seigneur de Chastillon sur Marne, de Portien & de Crecy, Duc d'Athenes & Côte de Breynne & de saint Paul: ayant pour espouse Ysabeau de Dreux fille du Comte de Dreux, Connestable de France, du temps du Roy Philippes de Valois, l'an mil trois cens uingt & huit, qui fut tué à la iournee de Poitiers, l'an mil trois cens cinquante six: ayant pour femme en secōdes nopces la fille de Raoul, ou Renauld de Cleremont Comte Deu, aussi Connestable de France, du temps de Philippes de Valois. Par aucuns historiens est mis apres Iaques de Bourbon, qui fait coniecturer auoir esté déposé & depuis restitué. Et fut celuy qui bailla en eschange audit Roy de France la uille, chastel & chastellenie de Crecy en Brye contre la uille de Chastillon sur Marne. Plusieurs tiennent Iaques de Bourbon Comte de Ponthieu auoir esté

esté Duc d'Athenes, & Connestable de France . Et portoit de gueulles à trois palz de uair, au chef d'or chargé d'un Lyon de fable. Aucuns luy baillent les armes de Bretagne.




MESSIRE Renauld, ou Raoul de Cleremôt, dict de Neelle, Côte de Guynes, par Gaguin & Froissard appelé Arnoul, & par maistre Nicole Gilles contre uerité Raoul de Neelle, Connestable de Frâce, l'an mil trois cens tréte quatre, du téps du Roy Philippes de Valois: qui fut tué d'un coup de lance es ioustes faictes à Paris pour les nopces celebrees entre Philippes Roy de France, & Bláche fille de Philippes le Long, mil trois cens quarante deux. Et portoit de gueulles à deux bars addorsez d'or, semé de trefles de mesme, au lambel d'azur, contrebrisé d'une molette d'argent sur le premier lambel.



47


CONNESTABLES

MESSIRE Bernard, Comte de Foix, autrement dict sans propos Gaston de Foix, Connestable de France, du temps de Philippes de Valois, Roy de France, & Iean premier & deuxieme filz de Philippes, mil trois cens quarantequatre: qui chassa Robert d'Arthois, & uainquit les Flamengs. Aucuns mettent le Duc d'Athenes, Connestable de France apres Raoul de Neelle. Et portoit d'or à trois palz de gueulles, escartellé d'or à deux uaches passans, accolées, accornees & clarinees d'azur.



MESSIRE Raoul de Neelle, Comte Deu & de Guynes, Connestable de France apres son pere Renauld de Cleremont, selon la sentence de plusieurs, & suyuant la uerité apres Bernard Comte de Foix, qui morut en l'hostel de Neelle à Paris, l'an mil trois cens cinquante, & suyuant Suggester, mil trois cens quarante & quatre, soubz Philippes septieme, dict de Valois, cousin germain de Charles quatrieme, & nepueu de Philippes le Bel, qui parauant sa mort auoit esté prisonnier des Anglois. uerifié par Suggester Abbé de saint Denys en France en sa chronique. Aucuns tiennent qu'il fut tué en la bataille de Courtray, comme i'ay ueu au discours de la lignee de Dreux. Et portoit de gueulles à deux bars, addorrez d'or, semé de trefles de mesmes au lambel d'azur: & par sa tombe estant au chapitre des Celestins à Paris, porte pour briseure un escusson de Coucy au lieu de lambeau, & eut de sa femme Iehanne de Neelle, attraicte de Messire Alphonse, iadiz Comte Deu & Chambrier de France, une fille

filie nommée Ieanne, Comtesse d'Estampes & Duchesse d'Athenes: qui est le dernier du nom de Cleremont. Et fault noter que les Comtes Deu & de Guynes portoient parauant d'azur au Lyon d'or, billetté de mesme.




MESSIRE Robert Bertrád, seigneur de Briquebec, qu'on disoit sans cause estre frere du Pape Clement cinquieme, Conestable de France du temps du Roy Iean, mil trois cens cinquãte: qui parauãt auoit esté Marechal de France. Je trouue par les chartres des priuileges ottroyez aux Marechaulx de France, par Philippes de Valois Roy de France, iceluy Bertrand auoir esté seigneur de Briquebec: qui donne uray iugement, qu'il portoit le uert Lyon, & fut celuy qui conquesta le Royaume d'Arragon. Et portoit d'or au Lyon de synope, armé, lam passé & couronné d'argent, aliàs sans couronne.




E

CONNESTABLES

MESSIRE Charles de Lacerda, autrement dict d'Espagne, par Gaguin appellé Iean, & par autres Loys, qui fut frere de Loys, & tous deux descenduz d'Alphonse, filz aîné d'Alphonse le tiers Roy de Castille, & de Blanche fille du Roy saint Loys: Connestable de France & Comte d'Angoulesme, du temps du Roy Iean, mil trois cens cinquante & trois, aliàs cinquante & un, qui fut tué en son liêt en la uille de l'Aigle. Froissard afferme qu'il fut Connestable de France, l'an mil trois cens quarantesix, durant que ledict Comte Deu fut prisonnier en Angleterre, l'an mil trois cens cinquante, & eut espousé la fille de Charles, Comte de Bloys. Aucuns le mettent apres Raoul de Neelle. Et portoit d'argent au Lyon de gueulles, armé & lampassé d'azur, à la bordure de mesme, chargé de huit escussions d'or à la croix ancree de gueulles. Et depuis porta iusques à sa mort, semé de France, party de Castille, qui est de gueulles à cinq chasteaux d'or.



MESSIRE Iagues de Bourbon, Comte de Ponthieu, Connestable de France au lieu d'iceluy d'Espagne, du teps du Roy Iean, mil trois cens cinquante deux ou cinquâte trois: qui fut occis deuant Poictiers, mil trois cens cinquante six. Aucuns tiennent qu'il fut Duc d'Athenes, & non ledict Gautier de Crecy: mesme la mer des histoires. Et portoit de Bourbon, escartellé de semé de France, à la bordure componnee & quantonnee d'argent & de gueulles: sur le tout de Flandres, qui est d'or au Lyon de sable, armé & lampassé de gueulles.





MESSIRE Moreau ou Morellet de Fyennes, par aucuns chroniqueurs appellé Robert de Morel, seigneur de Fyennes, ayant pour espouse la Comtesse de Joigni, Connestable de France, du temps du Roy Iean, & de Charles cinquieme son filz, l'an mil trois cens soixante, qu'on dict auoir resigné son office de Connestable à Messire Bertrand de Guefclin, mil trois cens soixante & huit, pour les uariations & controuerfes qu'il ueoit aduenir entre les princes, & desolation du Royaume de France. Et portoit d'or au Lyon de sable.



MESSIRE Philippes de France, Duc de Bourgongne, appellé le Hardy, filz de Iean frere du Roy Charles cinquieme, Connestable de France du temps dudiect Roy Charles cinquieme, l'an

E ij

mil trois cens soixante & cinq, qui espousa la fille du Comte de Flandres, par aucuns appellé Philippes d'Arthois. Et portoit semé de France, à la bordure componnee & quantonnee d'argent & de gueulles. Et depuis porta semé de France, à la bordure de gueulles, escartellé de bandes d'or & d'azur, à la bordure de gueulles. Aucuns mettent Bertrand de Guefclin, aliàs de Gueaquin deuât Philippes de Frâce.




MESSIRE Bertrand de Gueaquin, dict Guefclin, Côte de Longueuille, Conneftable de France, du temps du Roy Charles le quint, par refignation à luy faiçte l'an M. CCCLXXI. qui mourut l'an M. CCCLXX. au fiege du chafte! Raudon en Lâguedoc. Nô-obftant ladiçte refignation, Philippes le Hardy fut depuis Côneftable. Et gift fon corps en l'Abbaye de S. Denys en Frâce. Et portoit d'argêt à l'aigle esployé de fable, mébré & bequé de gueulles, au bafton de mefme, brochant fur le tout.




MESSIRE Oliuier de Clifson, Connestable de France; du temps du Roy Charles sixieme, mil trois cens quatre uingtz & un, & deposé mil trois cens quatre uingtz & six: & selon Froissard, mil trois cens nonanté & deux: & suyuant la mer des histoires, mil trois cens quarante & trois. En son lieu fut subrogué Messire Philippes d'Arthois, & depuis restitué apres la mort d'iceluy d'Arthois. Et portoit de gueulles au Lyon d'argent, armé, lampassé & couronné d'or.




MESSIRE Philippes d'Arthois, Côte Deu, & Cónestable de France au lieu de Oliuier de Clifson, du temps du Roy Charles V I, M. CCCXCIII. suyuant Froissard, M. CCCXCVI. ayant la charge contre les Turcz à Haulteloge. Les autres tiennent qu'il mourut en prison quelque temps apres: & fut Clifson restitué en son office apres la mort d'iceluy Philippes d'Arthois, M. CCCXCII. Et portoit semé de France au lambel de gueulles, chastellé d'or.



MESSIRE Loys de Sancerre, appelé par maistre Nicole Bertrandi au liure *Des gestes Tholofains*, Loys de Sacrocerare, Connestable de France, frere du Comte de Sancerre, du réps du Roy Charles sixieme, mil trois cens quatre uingtz dix huit, alias seize, tesmoing Froissard: qui mourut mil quatre cens & deux, parauant Marechal de France. Et portoit d'azur à la bande d'argét à deux doubles cottices, potencees & contrepotencees d'or de treze pieces. Je trouue sa representation à sainct Denys en France, ou son corps est inhumé, porter les plaines armes de Champagne simplement, qu'on peult uoir: qui est la uerité.



MESSIRE Charles d'Albret, Comte de Dreux, Seigneur de Silly & de Craon, Connestable de Frâce, du temps du Roy Charles sixieme, l'an mil quatre cens & trois, qui fut tué à la journee d'Aguincourt, mil quatre cens & quinze, parauant depofé: & restitué mil quatre cens & douze, par le moyen & à la requeste du Duc de Bourgongne, qui auoit pour femme la fille du Baron de Silly & de Craon. Et portoit semé de France, escartellé de gûelles.



MESSIRE Vvaleran de Luxembourg, Comte de fainct Pol & de Ligny, ayant pour espouse Bonne de Bar, sœur de Loys de Bar Cardinal, qui portoit de France, escartellé de Bar : filz de Henry de Luxébourg, & de Beatrix Comtesse de Henault, qui tint sur les fons Vvaleran le Feron pere grand de l'aucteur, & luy donna son nom, duquel la genealogie est paincte au logis des Ferons en la uille de Compiègne : Connestable de France, au lieu dudiect Charles d'Albret, du temps du Roy Charles sixieme, l'an mil quatre cens & douze, aliàs unze, selon Coufmo't : qui fut desappoincte par le Duc de Bourgongne. Et portoit d'argent au Lyon de gueulles, à la queuë nouee & passée en faulueur, armé, lampassé & couronné d'or : escartellé de face d'argét & d'azur de dix pieces, qu'on dict burelle, au Lyon de gueulles armé, lampassé & couronné d'or, au lambel de mesme sur le tout, qui est du Royaume de Chipre.




CONNESTABLES

55


MESSIRE Bernard, aliàs Bertrand, Comte d'Armignac, frere de Iean d'Armignac tué en Alexandrie, fut esleu Conneftable de France en fon absence, du temps du Roy Charles sixieme, mil quatre cens & dixsept, apres la mort dudiect d'Albret: & fuyuant Montfrellet, mil quatre cens dixhuit, qui fut tué es prisons de la Conciergerie, du Palais à Paris, mil quatre cens dixhuit, par les Bourguignons, avec maiftre Arnauld de Marle, Chancellier de France, appellé autrement Erix, que Montfrellet, Suggest & Cousinot mettent apres Albret, à la prinse d'Agincourt. Et portoit d'argent au Lyon de gueulles contre escartelle de pourpre, au Leopard lyonné d'or, escartellé de gueulles, à quatre otelles d'argent, passées en sauteur, qui est de Comminge: sur le tout de la Marche, qui est de France, au baston de gueulles chargé de trois Lyons d'argent.




MESSIRE Claude de Rochefort, Conneftable de France, du temps du Roy Charles sixieme, mil quatre cens & dixhuit. Et portoit uaire d'or & d'azur. Aucuns luy attribuent pour brifeure le baston de gueulles brochant sur le tout. Les autres tiennent qu'il portoit d'azur semé de billetes d'or, au chef d'argent, chargé d'un Lyon leopardé de gueulles. Partant faudroit qu'il fust de la maison, du nom, & des armes de Messires Guillaume & Guy de Rochefort, Chancelliers de France.




MESSIRE Iean Stuart, Comte de Buchnan en Escocce, Duc d'Albanie, filz de Robert Stuart, qui fut filz de Robert Stuart premier du nom, de la maison du Roy d'Escocce : par Monstrellet appellé de Bonquiaux sans propos : Connestable de France mil quatre cens uingt & deux, sous messire Charles Daulphin & Regent en France, du tēps du Roy Charles sixieme & Charles septieme, qui pour les grands seruices par luy faictz, fut guerdonné de la Comté d'Eureux & de la seigneurie de Concessault, l'an mil quatre cens uingt & un, & uingt deux, suyuant la commune opinion : & suyuant Cousinot, mil quatre cens uingt & trois : & depuis tué à la iournee ou rencontre de Verneul au Perche, mil quatre cens uingt quatre, suyuant la chronique d'Escocce, faicte par Hector Boëtius & Cousinot. Maistre Nicole Gilles tient qu'il fut tué à la iournee des harrens, mil quatre cens uingthuit, qui tua le duc de Clarence. uerifié par iceluy Boëtius en l'histoire d'Escocce. Vvasseburg le met apres le Comte d'Armignac. Et portoit de France à la bordure de gueules fermaillee d'or, qui est de Durgel : escartellé d'or à la face eschiquetree d'argent & de sable de trois traitz : sur le tout de gueules à trois houzettes quātonnees d'hermines, armées & esperonnées d'or.



MESSIRE Arthur de Bretagne, Comte de Richemont, & seigneur de Parthenay, frere du Duc de Bretagne, Connestable de France, du temps du Roy Charles septieme, & Henry d'Angleterre, mil quatre cens vingt & cinq, qui fut guerdonné du Roy de la seigneurie de Parthenay : mis apres Stuart Duc d'Albanie, par Gaguin contre l'opinion de maistre Nicole Gilles, disant iceluy auoir esté Duc de Bretagne, mil quatre cens cinquante & trois, & plus tost cinquante & sept selon Suggester, par la mort de Pierre Duc de Bretagne, & mourut l'an mil quatre cens cinquante neuf : & suyuant Froissard & Coufinot & autres, mil quatre cens cinquante huit, contre l'opinion de maistre Nicole Gilles, le disant estre decédé, l'an mil quatre cens soixante, ou selon la mer des histoires, mil quatre cens cinquante neuf. Et portoit du commencement, de Bretagne au lambel d'Angleterre, qui est de gueulles, à trois leopards d'or, parauant qu'il fust Connestable de France, fauorisant au Roy d'Angleterre : & durant son office de Connestable de France, portoit le simple lambel de gueulles, iusques à ce qu'il fut Duc de Bretagne, & lors laissa les lambeaux chargeant les plaines armes de Bretagne, & pour deuisse auoit le Sanglier.



MESSIRE Charles d'Anjou, Connestable de France, du temps du Roy Charles septieme, mil quatre cens soixante, que Monstrellet dit auoir esté parauant Admiral de France. Et portoit de Honguerie party de Sicile, tiercé de Ierusalem, soustenuz d'Aniou & de Bar: & sur le tout d'Aragon, que ie remeetz à mon histoire armorialle pour cause de brefueté.




MESSIRE Iaqués de Luxembourg, Connestable de France, mil quatre cens quaráteneuf, du temps du Roy Charles septieme: qui à l'aide du Duc de Bretagne & du Marechal de Loheac & de

CONNESTABLES


Coitim, Admiral de France, reduict la cité & uille de Constance Françoisse. uerifié par Suggest Abbé de sainct Denys en la chronique de France. Et portoit d'argent au Lyon de gueulles, armé, lampassé & couronné d'or, à la bordure engreslee d'azur.



MESSIRÉ Iean bastard d'Orleans, Comte de Dunois, Cōnestable de Frâce, du temps du Roy Charles septieme, mil quatre cés soixante, aliàs LIX. On tient qu'il ne fut Cōnestable, & le paisét soubz silence avec Messire François, Comte de Laual. Et portoit de France au lambel d'argent, escartellé de Milan, qui est d'argent, à la guyure d'azur, lissant de gueulles: à la cottice d'argent, brochant sur le tout, perie en bande, qu'il chargea petit deuant sa mort.



MESSIRE François, Comte de Lual, Connestable de France du temps du Roy Charles septieme, mil quatre cens soixante. Et portoit de France, escartellé d'Eureux: qui est de France au baston componné d'argent & de gueulles, le tiers & le quart de Lual, qui est d'or à la croix de gueulles chargée de cinq coquilles d'argent, accompagnée de seize alelyons ou aiglettes d'azur: sur le tout de gueulles, au Lyon d'or, qui est de uitre. Et portoiert anciennement les Comtes & Seigneurs de Lual d'or à la croix de gueulles, accompagnée de vingt alelyons d'azur, après auoir laissé les trois Lyons de gueulles en champ d'or.



MESSIRE Loys de Luxembourg, Comte de saint Pol, Bryenne, Rouffy & Ligny, Cheualier de l'ordre saint Michel, Connestable de France, & gouverneur de Normandie du temps du Roy Loys unzieme, mil quatre cens soixante & cinq, le douzieme iour d'Octobre, qui mourut mil quatre cens soixante & quinze. Et portoit d'argent au Lyon de gueulles; à la queue nouee & passée en sauteur, armé, lampassé & couronné d'or, brisé en l'espaule d'une croix de mesme.

F




MESSIRE Iean, Duc de Bourbonnois & d'Auuergne, Comte de Forest, Cheualier de l'ordre sainct Michel, Connestable de France, du temps du Roy Loys unzieme, & Charles huitieme, mil quatre cens quatre uingtz quatre & cinq.uerifié par Cousinot en sa chronique, combien qu'aucuns historiens tiennent n'auoir eu aucun Connestable en France, entre Loys de Luxembourg, & Charles de Bourbon. Et portoit de France au baston de gueulles, pery en bande.




MESSIRE Charles de Montpensier, Duc de Bourbonnois & d'Auuergne, Comte de Forest & de Beauilois, Cheualier de l'ordre sainct Michel, Connestable de France, du temps du noble Roy François premier du nom, l'an mil cinq cens uingt six: qui

qui auoit un frere nommé François, qui fut tué par les Suyffes, & une sœur qui fut mariee au Duc de Lorraine. Et portoit de France au baston de gueulles.



MESSIRE Anne, Duc de Montmorancy & Pair de France, Côte de Beaumont & de Dômartin, Cheualier de l'ordre saint Michel, gouuerneur de Languedoc, Connestable & grand Maistre de France, l'an mil cinq cens trente sept, du temps du noble Roy François premier du nom, & du magnanime Roy Henry deuxieme : parauant Marefchal de France, à present uiuant mil cinq cens cinquante cinq, & créé Duc de Môtmorancy & Pair de France, mil cinq cens cinquante & un. Et portoit d'or à la croix de gueulles, enuironnee de seize aiglettes d'azur, dictes alelyons.



F ij

